

乾

隆

鄞

縣

志

鄞縣志卷二十八

物產

邑無異產其異者或昔有今無矣五穀六擾通於天下海物之錯亦不專隸鄞必他處所無及美者多者始載則稻梁菽麥瓜菜雞鶩且不登於方州之書矣茲以前志爲主雜引他書類次之先其常者次其異者非取備物聊以資考證云爾

穀之屬

稻有早禾有中禾有晚禾早禾以立秋成中禾以處暑成中最富早次之晚禾以八月成視早益孳矣其品曰早黃晚青

米紅色味頗黏土人重之

矮白大白細白大赤占城金城糲撒赤

撒烏撒九里香赤轉稻冷水紅早糯黃糯白糯丁香糯赤

糯鼠牙糯虎皮糯麻糯杭州糯九日糯青稈糯寶慶志細撒

光糯細稈大倉紅霜下白雁來烏湖州晚亦曰湖州白土人呼曰湖白顏

柔和小鄉晚糯紅糯雉雞糯烏撒糯成化志黃巖稻紅六十

日旱稻宜興晚早珠等西風趕軍糧麻子烏矮聯崑山晚

杭州白野烏嘴蠻稻烏舍稻犁索辯青淨晚刀斷齊松江

稻勒馬看嘉靖志救工饑早紅遲紅早白黃粘白粘黃香糯

鐵糯黃扁糯旱稈糯八月糯火燒糯聞志水鮮糯玉山糯燕

嘴糯烏箭糯瘦田糯冷水糯羊鬚糯曹志

按鄞地稻收再熟以清明前下種芒種蒔苗稀行

密蒔先蒔早苗旬日後復蒔晚苗於行間俟立秋

成熟刈去早禾乃鉏理培壅其晚者盛茂秀實然後收其再熟與農田餘話所載閩廣之再熟同

糝稷也或謂之粟非也嘉靖志

秔粟有烏頭半夏二種糯粟有羊角薑葉二種成化志 宋嘉

定間民獻駢頭粟閩志

秔黍糯黍成化志

按今人以蘆稭為梁以小米為粟黍稷則鮮識之者說文云黍禾屬而黏古今注云禾之黏者為黍亦謂之稭是即今之蘆稭矣蘆稭有赤白二種赤者秔白者糯爾雅藁赤苗芑白苗郭注藁今之赤梁粟芑今之白梁粟邢疏詩維糜維芑故此釋之

也藁與糜音義同是卽赤白稌也李時珍本草粟  
卽梁也穗大毛長粒粗爲梁穗小毛短粒細爲粟  
苗皆似茅種凡數十又曰粟米比梁乃細而圓明  
別蘆稌小米二種蓋二物皆有秬糯糯而黏者總  
謂之秬可釀酒稌之不黏者梁也其黏者卽黍也  
孔子曰黍可以爲酒謂其黏也稷卽粟也爾雅稌  
稷邢疏左傳云稌食不鑿稌者稷也曲禮云稷曰  
明粢郭璞云今江東人呼粟爲稌然則稌也稷也  
粟也正是一物而本草稷米在下品別有粟米在  
中品又似二物故先儒甚疑焉邢氏之言甚精竊  
意小米之黏者爲粟其不黏者卽稷矣北方多以

小米作酒亦謂其黏也古者黍稷梁秫皆得稱粟  
黍稷亦皆得稱梁總名則通散則別矣後人或以  
小米爲黍或以蘆稌爲稷多失其實

大麥小麥蕎麥

至正續志卯麥嘉靖志

御麥出西番舊名番麥以曾經進御故名御麥幹葉類稷  
花類稻穗其苞如拳而長其鬚如紅絨其粒如芡實大而  
瑩白花開於頂實結於節雷青日札

按御麥俗呼六穀土人謂五穀之外又一種也其  
實黃亦有斑者舊志皆失載

菽衆豆之總名

物理論

白豆黑豆菜豆

至正續志

烏豆小豆赤豆

大豆蠶豆豇豆青豆豌豆

成化志

虎爪豆刀鞘豆虎斑

豆志扁豆即布目豆有數種帶豆有青紅二種一名羹豆

曹志

脂麻有黑白二種成化志脂麻以多油名俗作芝麻者非穀譜

蔬之屬

菘亦菜之總名周頤曰秋末晚菘晚菘即今白菜通雅即夏

菘菜夏至節前發嘉靖志有春菘有秋菘性和利以菘種北

地即化為蕪菁以蕪菁種南地即化為菘格物論蔓菁一名

蕪菁蔬譜

青芥葉大子蘘似菘有毛辣可生食紫芥莖葉純紫作齏

最美白芥一名胡芥一名蜀芥高二三尺葉青白色為茹

甚美莖易起而中空性脆畏狂風大雪他如南芥刺芥旋

芥馬芥花芥石芥芸薹芥之類皆菜之美者又大芥名皺  
葉芥大葉皺紋色綠味辛冬食者俗呼臘芥春食者春芥  
四月食者夏芥芥心嫩薹謂之芥藍蔬譜石芥產四明山四

山志芥多種以春不老為第一學園烏葉聞

油菜一名四月梵開花黃如金摘心為菜茹其旁心結子

可榨油正字  
通

雪裏蕪四明有菜名雪裏菜瓊頭旨蓄其珍莫比雪深諸

菜皆凍此菜青青蕪尤美野菜箋四明有菜名雪裏蕪又有

破破納抓抓兒絲蕎蕎板蕎蕎猪殃殃油灼灼看麥娘燕

子不來香燈蛾兒天藕兒狗腳迹猫耳柔鴈腸子老鶴筋

諸菜名野菜譜



葵成化志為百菜主味甘性滑夏種秋採者為秋葵秋種冬

採者為冬葵正月復種者為春葵最小者名鴨脚葵格物論

吳葵即關河間謂之苦菜者唐本草注俗作鵝兒菜又名野苦

蕘升菴外集

蒼蓬菜一名女菜嘉靖志恭一名蒼蓬菜本草

薺味甘人取其葉作菹及羹亦佳爾雅疏薺甚小自生園圃

通志

莧菜柔脆之物宋易注赤莧一名蕘今莧菜之赤莖者也爾雅

注明州有赤莧山土傳赤莧乃仙人所種學齋估畢

菠薐莖微紫圓而長綠色格物論味甘美四月起蠶尺許開

碎白花有雌雄雌者結實蔬譜

萋蒿葉似艾白色長數寸高丈餘好生水邊及澤中正月  
根芽生芴莖正白生食之香而脆美其葉又可蒸為茹詩

春菊即蒿菜花楊範春菊詩注

萎香菜也韻畧張騫使西域得胡萎俗呼蓴萎博物志

蒿苳四月抽莖高三四尺剝皮生食味清脆糟食甚佳江

東人謂之苳筍蔬譜

蓴本作莼生水中今東湖多有之寶慶志根絕美江東謂之

蓴龜酉陽雜俎儉歲明人呼蓴根為聖米舒亶四明禠詩自注近年湖葑

不泛蓴亦不生至正續志

蘆菹今謂之蘿菹爾雅疏生沙壤者脆而甘生瘠地者堅而

辣可生可熟可菹可羹可醬可醢可醋可糟可腊蔬之最

有益者

蔬譜

胡蘿蔔元時始自胡地來

奇書

按蘿蔔亦名萊菔出東湖者肥大出小溪者細長

竝甘脆西山出者亦佳胡蘿蔔有紅黃二種

茄凡三色青紫白一名落蘇

格物論

視他菜最耐久供膳之

餘糟鹽豉醋無所不宜須廣種之

農書

蔣菘也

說文

又名菱白葉如蒲葦中心生白臺如小兒臂為

菘米臺中有黑者為烏鬱下澤處為菘葑苗莖硬者曰菘

蔣秋實即彫胡米也

彙苑

菱白即菘也八九月間生水中央

美可啖

嘉靖志

仙人菜雷雨之後生水山崖石間

四明山志

薑

蕨

葱

薤

韭

蒜

芹

葷

筍

蕻

成化志

旱芋山地可種水芋水田蒔之本大者謂之芋頭旁生小

者謂之芋孀蔬譜

壺盧長而瘦上曰瓠短頸大腹曰匏匏苦瓠甘埤雅匏子瓜

類也大而扁者可食小而長作細腰者可玩瓠子匏類也

形稍長銳上豐下味似勝之學圃瓠疏瓠即蒲也嘉靖志

王瓜正赤味苦蔓生葉似栝樓根似葛爾雅絲瓜一名天

蘿木記絮一種名梢瓜形類絲瓜色白味不及也一種名冬

瓜大三尺圍長四五尺有毛綠色生自然白粉格物論瓜之

不堪生噉而堪醬食者曰菜瓜以甜醬漬之為蔬中佳味

其結實大者無如冬瓜味雖不甚佳而性溫可食南瓜雖

有奇狀殊色僅堪煮食酷無意味學圃水芝是白瓜甘瓜

本草

經

筍有龍鬚筍筋筍笙筍志成化雪竇山北巖生石乳其峯非

人可升有毛竹銀筍其毛竹自生毛筍若銀筍即銀鑛如

筍或云毛竹筍白如銀四明山記

按筍凡竹皆有惟猫筍烏筍龍鬚筍為常食猫竹

鞭冬生未出土者為冬筍餘竹行鞭者為鞭筍腊

之為筍乾

甘藷一名番藷形圓而長本末皆銳質理賦潤氣味和平

譜似芋肉肥白南方以當米穀出交趾廣志蓋薯蕷之類根

葉如芋實如拳皮紫肉白秋熟收蒸之以充糧糧南方草木狀

按番藷木草亦名山芋有黃白二種今明越諸郡

多於山中種之蔓生易熟甘而肥美大可為救荒  
之助其葉類何首烏葉南方草木狀所云葉如芋  
者恐是別種

藥之屬

山藥一名薯蕷出四明者佳春生苗蔓延莖紫葉青夏開  
細白花秋生實於葉間狀如鈴二月八月採根白色者為

上曝乾入貢

至正續志

骨碎補根生大木或石上多在背陰處引根成條上有黃  
毛及短葉附之春生葉至冬乾黃無花實惟根入藥採無  
時削去毛用之本名胡孫姜入貢

至正續志

黃藥出明州藤生高三四尺苗莖類蒿十月採根

圖經本草

艾葉出明州

本草綱目

苗莖類蒿而葉皆白苗短者良三月三

日五月五日採

至正續志

一名醫草處處有之產四明者謂之

海艾

羣芳譜

蜀漆見本草出明州葉似茗而狹長三月生紅花青萼五

月結實青圓三子為房根似荆黃色五月採葉八月採根

為治瘧要藥

至正續志

蓖麻夏生苗葉似葎草而厚大莖赤有節如甘蔗高丈許

秋生細花實類巴豆青黃斑褐然如牛埤故名

至正續志

天名精見本草出明州夏秋抽條如薄荷花紫白色葉如

菘而小故南人謂之地菘其味甘辛

至正續志

楮實出明州有二種其實初夏生如彈丸青色至六七月

漸紅八月九月採水浸去皮穰取子日乾至正續志

莎草根又名香附子生田野間苗莖葉都似三稜根老子

周匝多毛近道生者苗葉如薤而瘦根如筋至正續志形如車

核嘉靖志

半夏在處有之二月生苗一莖莖端出三葉淺綠色根下

相重生上大下小皮黃肉白五月八月採根至正續志

菖蒲生池澤春生青葉長一二尺其葉中心有脊狀如劍

無花實以五月五日收其根盤屈有節狀如馬鞭一寸九

節者良至正續志

按菖蒲產月湖者九節見張白齋詩

菊花初春生細苗夏茂秋花冬實然種類頗多有紫莖而



氣香葉厚柔嫩可食者其花微小味甚甘此為真正月探  
根三月採葉五月採莖九月採花十一月採實皆陰乾

至正

續志

按花小者為野菊惟有黃色花譜所載園圃中特  
種之另見花屬其黃白者亦入藥也

何首烏春生苗葉相對如山芋而不光澤其莖蔓延竹木  
牆壁間夏秋開黃白花結子有稜如薦麥而細纔如粟大  
秋冬取根二種赤者雄白者雌一云春採根秋採花九蒸  
九曝乃可服

至正續志

牽牛子二月種子三月生苗作藤蔓遶籬葉青有三尖角  
七月生花微紅帶碧色似鼓子花而大八月結實有黑白

二種九月後收

至正續志

天南星二月生苗似荷梗葉如蒟蒻五月開花如蛇頭黃色七月結子作穗似石櫛子紅色根似芋而圓二月八月

採根一說卽虎掌也有毒

至正續志

絡石草出明州葉圓如細橘正青冬夏不凋其蔓延節著處卽生根鬚包絡石上因以得名花白子黑薜荔與此相

類

至正續志

茯苓出大松下附根而生無苗葉花實作塊如拳在土底大者數觔似人龜形者佳皮黑肉有赤白二種或云多年

松脂所成

至正續志

地膚子初生薄地五六寸根形如蒿莖赤葉青大似荆芥

三月開黃白花八九月採實陰乾

至正續志

一名落箒子

成化志

茵陳蒿春初生苗似蓬蒿而葉繁細無花實秋後葉枯莖餘經冬不死至春更因舊苗而生故名因陳今謂之山茵

至正續志

馬蘭又曰烏蘭生水澤傍頗似澤蘭陳藏器以為楚詞所

喻惡草即此也北人呼為紫菊以其花似之

至正續志

葛根春生苗引藤蔓長一二丈紫色葉頗似楸葉而香七

月著花似宛豆花不結實根形如臂紫黑色

至正續志

栝樓詩所謂果羸之實是也三四月生苗引藤蔓葉如甜

瓜七月開花似葫蘆花淺黃色實在花下至九月赤黃色

二月八月採根鹵地生者有毒

天花粉味苦寒無毒蔓

生十二月採根用

至正續志

按神農本經栝樓天花粉不分爲二蓋栝樓根名白藥其皮卽天花粉也說文木上曰果地下曰羸此物蔓生而附木故得兼名至正志別二物非是

茅根春生苗茅布地如針下生白花至秋枯其根潔白亦

甘美六月採根用

至正續志

桑白皮桑根東行者佳得十年以上採其東畔嫩根益佳取無時去麤皮取白皮用

至正續志

蘇葉下紫色因名紫蘇其氣甚香夏採莖葉秋採實然有數種有水蘇白蘇魚蘇皆是荏類以其味辛而形類蘓乃

名之

至正續志

薄荷莖葉似荏而尖長根經冬不死又有蔓生者春採莖

葉人家庭院多蒔至正續志

蒺藜子生平澤及道傍布地蔓生細葉花黃紫色子有三

角刺如菱狀七月八月採實至正續志

苦參一名水槐生山谷田野其根黃色長三五寸許三五

莖竝生苗高三二尺葉青似槐故有槐名春生秋凋其花

黃白七月結實作莢如小豆子至正續志

車前子爾雅云芣苢郭璞云車前草今人俗呼為蝦蟇衣

葉成化志

牛蒡子一名惡實 羊桃詩云萋楚 山梔五月生花花

皆六出甚香秋結實如訶子狀 決明子花黃白色其子

作穗如青豆而銳

成化志

禹餘糧生東海池澤及山島中狀如鵝鴨卵

成化志

方孝孺海米行海邊有草名海米大非蓬蒿小非薺婦女攜籃晝作羣采摘仍於海中洗歸來滌釜燒松枝煮米為飯充朝飢莫辭苦澁咽不下性命可假待豐時

按海米亦薺草之類博物志海上有草名薺其實

如大麥一名自然穀或曰即禹餘糧

木即白朮也

成化志

按神農本草經但列木為上品陶隱居始言朮有二種蓋分蒼白也

金銀花一名甜藤腦亦名忍冬花 鬼箭亦名狗骨 欵

冬花根紫莖青開紅花 枳實如橘而小七八月採者為

實九十月採者爲殼 蔓荆子生水濱 蒼耳一名胡寢

草 商陸一名當陸 蕭蓄一名蕭竹 稀蒼俗呼爲火

欬草 瓜蒂卽甜瓜蒂也 續隨子一名千金子 鵝不

食草五月始苗 鶴蝨葉似紫蘇大而尖長 旋覆花一

名金沸草 紫葳一名凌霄花 大小薊苗高尺餘葉多

刺心中出花二月生 穀精草一名戴星草 劉寄奴草

苗莖似艾蒿有四稜 百合 吳茱萸 澤蘭 荆芥

木瓜 黃精 麥門冬 地黃 地榆 草烏頭 椒

石斛 烏藥 連翹 五加皮 兔絲子 草蒿 皂莢

羊蹄根 夏枯草 栢實 土牛膝 龍牙草 枇杷

葉成化 枸杞子俗呼爲明眼草子其根名地骨 香薷生

山巖石罅中苗高尺餘葉莖細而辛香 薏苡莖高三四

尺穗長形如珠子而稍尖長 益母草方莖白花花生節

間嘉靖志

筋子根生四明山苗高尺餘葉圓厚光潤冬不凋根大如

指亦名根子味苦溫無毒主心腹痛惡氣霍亂蠱毒暴下

血本草拾遺

伏雞子藏器曰根生四明天台山蔓延葉圓薄似錢根似

鳥形者良四明山志一名承露仙味苦解藥毒癰腫聞志

吉利菜一名陳家白藥根如防已葉如錢味苦蒼梧陳家

解藥用之藏器云出明山聞志

石耳元吳瑞日用本草云生天台四明諸山久食益色至



老不改令人不饑

聞志

全祖望詩非雲又非霧乍卷還乍舒山中何所產石耳長芳腴石窻四明開聰聽不可淤啖之足療聾以聆萬

虛鎖

厄菜一名孟孃菜葉似升麻方莖冬夏常有藏器云四明

山中有之 貝母 芍藥 土紅花

聞志

甘草四明山心有五朶峯南一巖有石穴通泉流於黎洲

穴生甘草 射干 雷公藤

四明山志

白附子多出外番中土惟西涼一帶有之而唐人取吾鄉之產為貢物陳藏器係吾鄉人又生唐時而本草不及焉

異矣

勾餘土音詩話

不死之草 壘洲山在縣東四十五里東方朔十洲記云山

有不死之草赤莖綠葉人死三日以草覆之即活今去縣

四十五里實無此山世傳日本國即此洲然未知是否也

延祐志

蜜乃春蜂采花所釀有二種 露蜂房生山林木上大黃

蜂窠也 穿山甲狀如鼉而短小

成化志

石燕梅福四明山記曰南峯之北巖產石燕

四明山志

全祖望詩六燕集平衡五雀不可易誰知瑤光墮元鳥  
化關石從來燕往還社日必避匿是燕不避社其出亦  
誰測忽然差池羽頰頰背南北明山深潭潭百靈所封  
殖于年老胡髯誰人為物色不須叩泥巢石窠有安宅  
既即啖山菁臥即枕卷榻吁嗟烏衣種或為百姓得  
是燕負貞心塵氛莫之逼何當籠之歸空梁生顏色

果之屬

桃有五月桃六月桃七月桃八月桃

嘉靖志

李子出小溪仲夏極甘脆至正續志有粉紅李蠟李豐山李成化

志水包李郁李嘉靖志

梅亦多種有早梅晚梅消梅夏梅至正續志鴛鴦梅一花二實

成化志

栗隨處有之又茅栗極小而味甘 柿子有數種鉢孟柿

大而色朱一點紅重蒂紅臘脂柿匾柿綠柿棹柿 枇杷

一名盧橘至正續志

金柑至正續志寧波金豆橘形似豆味甘香勝於大橘嘉靖浙江通志

按金柑多產建畧又一種小者曰金豆

林檎一名花紅至正續志花紅一名來禽見羲之帖嘉靖志袁太

常家善植此果勾餘土音詩注

梨有青梨沙梨雪梨酥梨棠梨成化志梨洲溪生沙梨孫興

公與其子孫盛遊得梨以食因號梨洲延祐志

銀杏一名鴨脚子其葉形似鴨脚故名至正續志俗呼為白果

杏 橘 柑 橙 檳 榴 棗 櫻大者曰櫻桃小

者曰櫻珠成化志白棗 葡萄 香椽 松子嘉靖志

楊梅小溪有之色紅產東湖者色白名酪蜜脚寶慶志

全祖望詩蕭然山下白楊梅曾入金風詩句來未若萬金湖上去素娥如雪滿溪隈

榧實翠山香山雪竇皆有之惟雪竇榧名著寶慶志實細而

甘至正續志

青櫛子出四明山寶慶志味極甘而堅不可卒破陸龜蒙四明山詩序

四明山產青櫛子其樹不可見每於石上得之蓋洞天中

物神仙所秘耳紫桃軒今亦無識之者按以求之更無一

物相似豈草木之種類亦有絕與黃宗羲四明山九題考

陸龜蒙詩山實號青橋崇岡次第生外形堅綠殼中味敵瓊英墮石樵兒拾敲林宿鳥驚亦應仙吏守時取薦

層城皮日休和詩山風熟異果應是供真仙味似雲腴美形如玉腦圓銜來多野鶴落處半靈泉必共桃源

種花開不記年黃宗義詩何物青橘子空傳上世名野人俱不識山鳥或相爭玉樹空垂賦瓊花不別生環

岡笑魯望詩句豈真誠

蔗產鄆山下稱為蔗田嘉靖志

按蔗說文曰藎有青紫二種今產閩中為多鄆邑

罕有種者其漿熬之即為糖見食貨屬

西瓜一名寒瓜草木金子瓜形如西瓜而小子有紅黃黑三

色出同摠者佳至正續志此即香瓜浙江通志甜瓜有名一捻青者

味極香甜至正續志

全祖望金子瓜詩同谷有佳瓢厥貢惟三品將毋瓜子金靈胎所互孕盈盈初破時如鏡紛出筍不遇湛然翁

馬頭亦混混

鳧茨一名葶薺最大者與閩中地栗形質相似而甘脆差

減俗謂之土地栗寶慶志葶薺生湖泊下田中亦可種苗似

龍鬚而細根似指頭黑色至正續志

茨菰生低田中可種葉有兩枝如燕尾而大白花一莖收

十三實歲有閏則十三實三出至正續志

菱生湖塘池春種夏實有紅綠二色又有刺菱至正續志菱四

角菱聞志

茨種池塘葉大如盤面有縐紋夏實形如大雞頭剖其子

圓如珠至正續志蓮房嘉靖志藕嘉靖志

花之屬

瑞香出明州又名睡香處處庭院植之花譜其木高纔數尺

生山坡間花如丁香冬春之交始發呂大防瑞香圖序

曾幾得四明瑞香詩錦樹團團海角州移春檻裏見風流兩三翠蓋張前面無數香囊綴上頭絕代江梅相對

好姪人山麝莫來休衰翁若被兒童問入眼還曾有此不

梅有紅梅白梅綠萼梅玉疊梅蠟梅成化志山梅閩志

桃有紅桃碧桃觀音桃瑪瑙桃緋桃成化志

辛夷開花初出如筆俗呼為木筆花成化志玉蘭閩志

按玉蘭辛夷花葉跗萼俱同當是一種唯辛夷花

紫玉蘭花白有別耳

雀李一名郁李 望春即報春花

曹志

杜鵑花四明山出明一統志以二三月杜鵑啼時始開故名湧

品小重臺者名石巖聞志四明山有五色杜鵑花四明山記

全祖望五色杜鵑詩四窗四面無襍種五色杜鵑光冲融老夫凡骨非仙骨但取花漿如墨濃

山礬即海桐 薜蔔即黃梔花亦有白者紫薇俗名為百日紅

金鳳即鳳仙花俗呼為滿堂紅曹志薔薇一名茶蘼成化志

萱蜜色者佳聞志

罌粟花一名米囊一名御米花人家園多種花有紅白二

種九月布子涉冬至春始生苗候其罌焦黃則採之至正續志

按罌粟花紅白紫俱有之色深淺凡數種舊志作

罌子粟在藥品殼入藥用苗葉亦肥嫩可食又一



種名虞美人花相似而差小且俱單葉者

葵有錦葵黃葵蜀葵

嘉靖志

有五色紅者名一丈紅

閩志

榴有紅榴白榴千葉榴粉紅榴四季榴

成化志

蓮有紅蓮白蓮千葉蓮

成化志

蓮花池縣西三十里資教寺

內其中蓮花四色又有竝頭者

閩志

早蓮四明山中有早蓮宋孫子秀廢業中物也

四明山志

全祖望詩早蓮本別種吾鄉更所稀從無一枝藕襍然生夏畦豈有不恨產長共黍離離孫郎舊池塘妙香吹

我衣

重臺荷蓋蓮實中又生花亦甚異也

記纂淵海

袁德達詩好雨溢庭除草木各蕃長盆沼植蓮花得天厚滋養亭亭挺翠柯矯矯苗奇象香凝書座中光溢層臺上二莖謝復華房惹展新秧重萼綴岑樓靈葩竝瓦蓋吾聞華華感紀載徵古往王者德至地蒸洽徧草莽

盛朝却圖瑞誦說先誠罔小  
臣數堯奠穆然結遐想

蘭有蓀蕙二種成化志

全祖望鳳谿蕙詩春蕙亦自佳秋蕙更以別春蕙  
如雜絃秋蕙如古瑟蕭疎風谿產翁州相甲乙

挂蘭一名見風生生鄞象間嘉靖志

全祖望風蘭詩孤根何所麗空中挹沆瀣清磬出深谷  
迎風光初佩仰雖沐天覆俯不受地載吾欲問屈子此  
種誰所賚

按挂蘭不土而植或以亂髮繫之挂於風前即能

開花一名風蘭

木犀有紅黃白三種亦有色白而四季花者成化志

菊有紅菊白菊紫菊黃菊西施菊成化志 疊金菊一名明州

黃又名小金黃花心極小疊葉濃密狀如笑靨花譜種類甚

多聞志

水仙單瓣者佳志本名雅蒜元祐間始盛得名曹志

按水仙不產於明以臺灣出者為佳故亦名洋水

仙

牡丹 芍藥 玫瑰 玉繡毬 麗春 聚八仙 芙蓉

海紅 錦帶 長春 雞冠 石竹 丁香 木香

寶相 海棠 金錢 木蘭 山茶 玉簪 黃雀 紫

荆 含笑 酴醾 散仙 山丹 陽和 玉屑 佛見

笑 茉莉 一丈紅 子午花成化志 貼梗海棠土人稱闌

路錦嘉靖志 西府海棠 金絲海棠 垂絲海棠 楊妃茶

梔子 玉甌 夾竹桃 素馨 月季 七姊妹 芷

洛陽 金雀 西番蓮 滴滴金 金瓊 薜蘿 剪

春蘿 剪秋蘿 刺桐 聞志

草之屬

芝菌屬生於剛處為菌生於柔處為芝 本草綱目 四明山谷多

產菌種類不一食之間有中毒者蓋蛇虺毒氣所薰蒸也

有僧教掘地以冷水攪之令少頃取飲皆得全活謂之地

漿楓樹菌食之笑不止俗言笑菌居山者不可不知 避暑錄話

芭蕉有一種名金蓮寶相不知所從來葉尖小如美人蕉

種之三四歲或七八歲始一花花作黃紅色而瓣大於蓮

故名 學圃稊疏

卷栢俗呼長生不死草生四明山雖甚枯槁得水即葱翠

謝靈運山居賦云卷栢萬代而不死寶慶志

莎一名水莎又名三稜草成化志

席草甬東里多種席草民以織席為業計所贏優於農畝

至正續志

三白農人以此驗歲云三葉白則歲熟寶慶志

苜蓿一名懷風一名光風草一名連枝草張鷟自大宛帶

種歸今處處種之苜高尺餘細莖分叉而生葉似豌豆頗

小每三葉攢生一處梢間開紫花結彎角中有子黍米大

狀如腰子羣芳譜

按苜蓿即今四鄉所種草子也深秋撒之三月開

花似荷而極小結實如同州蒺藜有二種開紫花

者一莖數朶開黃花者一莖一朶刈後水浸罨之  
用以肥田甚資其利

鹹草蒲類也可織鞵甬上多種之

新  
增

赤莖羅愿云齧苦莖釋曰可食之菜也郭云今莖葵葉如  
柳子如米沟食之滑本草唐本注云此菜野生非人所種  
俗謂之莖菜葉似蕺花紫草色本草云莖汁味甘說者以  
爲莖苦而言甘者古人語甘草謂之大苦也觀繇之詩言  
沮漆之間土地肥美則曰周原膺膺莖茶如飴莖茶皆苦  
菜也地既饒美其所生菜雖有性苦者皆甘如飴則此地  
皆可居矣是莖得地味亦甘也內則棗栗飴蜜以甘之莖  
荳粉榆兔薨滌瀧以滑之脂膏以膏之言養老懼其腸澁

故用此物調和飲食苴亦堇類冬用堇夏用苴廣雅曰夏  
苴秋堇滑如粉是也土虞禮則曰夏用葵冬用苴鄭注云  
苴堇類也乾則滑夏秋用生葵冬春用乾苴此蓋隨文解  
之故可同嚴氏曰詩注孔氏謂堇卽烏頭且引驪姬置堇  
於肉蓋以堇爲爾雅芟堇之堇也如此則與鳩毒同與堇  
茶可食之物非其類矣按地志有赤堇山乾道舊志在縣  
東四十里延祐志以芟堇之堇爲堇茶之堇始於孔穎達正  
所謂讀爾雅不熟也延祐志辨之甚核而成化志復沿詩  
疏之謬音注 勾餘土

按赤堇產堇山邑以此得名舊志入藥品誤

- 茅
- 燈心
- 荻箭
- 菱
- 葦
- 金線
- 鳳尾
- 蘆
- 蓬

雀麥 稗志成化 觀音草 仙人掌 萬年青 芸 嘉靖志 金

銀剪刀 蓼 志聞 翠雲草 李志 龍爪花有紅黃二種生山谷間

為多 新

烟草 志聞

按烟草一名淡巴菝閩廣產者佳今各處皆種之利過於茶然聞種烟數年易種他物土不甘亦蔬穀之大害也

木之屬

松柏 桑 柘 楸 椿 楮 楊 柳 梧 桐

楓 檣 檀 槐 槲 柏 槿 棟 榉 椒 溪口

沙樸 樺桃 榿赤 石關 志聞 敬松似松而葉大 嘉靖志



水柏似柏而枝下垂李楷成化志

按爾雅釋木作結說文從楷以為俗作杉非成化

志杉楷別為二木誤也

細柳一名觀音柳青翠如髮而垂春三月開紅花如蓼嘉靖

志榆一名田柳曹志

黃楊俗說歲長一寸遇閏年退三寸喻其慳長耳其質貞

堅葉細多依巖石上冬青一名女貞江左謂之萬年枝

經冬不凋至正續志

海檜栝栢類也葉尖如杵冬秀其質體刻成龍鳳形懸根

而植之盆可致遠至正續志慶元元妙觀新種檜樹生成龍鳳

冠安雅集檜有二種海檜天矯堅瘦皆天成又有刻削蟠曲

而成者名土檜海檜絕難致凡人家所有大抵土檜也老學

卷筆

全祖望詩更恭亭前雙童去并失蒼雲堂下樹忽然發  
祥道士家切雲巖峩蔽疎雨江天風靜朝陽開桐陰助  
之舞氍毹年年春風長  
新綠小冠報道雛鳳來

樓欄一名枿欄葉如車輪乃在顛上有皮纏之附地起二  
旬一採轉復上生樓筍狀如魚子味如苦筍而加甘芳蜀  
人以饌佛僧甚貴之而南方不重也筍生膚毳中蓋花之  
方孕者正二月間可剝而取過此苦澁不可食矣取之無  
害於木而宜於飲食法當蒸熟所施畧與竹筍同蜜醋浸  
可致千里外至正續志

按張衡南都賦楛枿枿欄李注皮可為索今邑中

細民有業此為生者

豫章古樟木也生溪谷間歷數百載不衰老根盤踞高突地面屯陰數畝王儉曰栝柏豫章雖小已有棟樑器矣正至

續志

按樟木甚香質堅緻邑山鄉多產之歷年取供海船修葺之用封採漸盡矣

檫孔臯記曰太平山四角生木各種或檫或梓或櫛或榲

不相揉雜四明山志

檉四明山有二百八十峯四面各生一木東生梓西生松

南生柏北生櫟今皆裸植不可辨四明山志

櫛似柞子可食山海經注鄞奉產櫛嘉靖志

山桃

成化志

麻栗性至堅名石先爛

李志

水楊

香榧

曹志

青樛

閩志

按正字通樛木長也不著何木唐書孔戣傳蕃舶

泊步有下碇稅今凡巨舟以鐵作三爪狀用以定

泊曰鐵貓用與碇類海舶則代以木亦曰碇其橫

檔曰碇擔皆須青樛為之產溫台為多鄞奉間有

之濱海之地戰艦所需故附識焉

竹名品各異有龍鬚竹筆竹斑竹紫竹筋竹桃枝竹四季

竹公孫竹

至正續志

貓竹一作茅竹又作毛竹幹大而厚異於

衆竹人取以為舟纜四明洞天記毛竹叢生澗邊又金庭

山洞天皆有

羣芳譜

水竹箭竹淡竹苦竹石竹烏竹

成化志

鳳

尾竹觀音竹佛面竹聞志

羽之屬

雞 鵝 鴨 鷹 鴟 鴞 鷲 鶯 鳩 翟 白鵝

翡翠 提壺 鴝鵒 鴻鴻 伯勞 啄木 繡鳥

青萊 鶺鴒 戴勝 巧婦 喜鵲 鷓鴣 姑惡 百

舌 山鵝 雪姑 蠟嘴 婆餅焦 白頭翁 雁 山

鷓成化志子規 一名謝豹 稻雞 黃睢 練雀 江貓嘉靖

志 鴛鴦 烏 鶴 鶉 脫布袴 十弟兄 火老鴉 鷓

鷓 一名蘆虎聞志

鷓鴣隨處有之人取端午前新雛去其舌本籬皮則能如

鷓鴣言 燕元鳥也春社來秋社去謂之社燕其紫胸輕

小者是越燕胸斑黑聲大者是胡燕 鳧卽野鴨江湖水

泊多有之 鴿有家鴿野鴿之分 黃頭善鬪故人取育

之 畫眉出山谷間 鶻出海島中然亦少得至正續志

鶴禽經曰俯鳴則陰仰鳴則晴嘉靖志

鶯聞志

按集韻鶯水鳥今寧郡甚多初夏來而深秋去食

海濱小魚遺矢白色蓋海鳥也或云似鴿而巢樹

卽白鶴

鷓鴣卽淘河聞志

按爾雅註鷓鴣好羣飛沉水食魚俗呼淘河又正

字通鷓之屬有曰信天緣者終日凝立不易其處

俟魚過取之聞志列信天緣鷓鴣為二鳥誤

雉有數種避呂后諱改曰野雞質五色有純白為中瑞純

黑為下瑞至正續志

竹雞比鷓鴣差小毛羽褐多斑赤紋自呼泥滑滑所在山

谷有之格物總論

鷓鴣能沒於深水取魚異物志勾章鄉響巖天寒有鷓鴣數

百為羣集於巖上延祐志

頻伽鳥佛書著此名昌國補陀山有之鄞縣句章北巖亦

有寶慶志北巖中可容百人暑月清涼有頻伽鳥巢其中延祐志

青鸞東錢湖青鸞大如鶴羣翔碧藻間容越志

紅鶴產明州海島成化志

鴟鵂新

增

按廣雅怪鴟也鳴聲甚惡不祥之鳥鄞邑多有之  
土人呼為逐魂山堂肆考作魑魂

毛之屬

虎山林有而不多官以皮賦反鬻於他郡充之 豹身似

虎而小圓斑尾長亦間見之至正續志

麕似麋而小有牝牡 狸有數種然貴在九節狸玉面狸

少 猴一名胡孫海山多有之至正續志

獺水狗形類犬鼻尖尾大四足俱短頭與身尾俱褊毛色

紫褐食魚居水中出水亦不死海獺大如狗脚下有皮如



八辨拇毛着水不濡至正續志

貉踰汶則死地氣使然也今二州四縣以皮賦至正續志

熊 羆 鹿 麋 豺 狼 水牛 黃牛 驢 騾

狗 貓 羊 猪 野猪 獾猪 兔 栗鼠成化志 松鼠

志

鱗介之屬

石首魚尾鬣皆黃一名黃魚物產志 魚首有鮓堅如石故名

冬月得之又緊皮者良三月八月出者次之至四月五月

海郡民發巨艘入洋山競取有潮汛往來謂之洋山魚華夷

鳥獸考 一名鱧兩雅翼 郭璞江賦曰鱧紫順時而往還注字林

曰鱧魚出南海頭中有石一名石首贊慶志 兩浙有魚名石

首云是明州來問人以石首之名皆不能言余讀張勃吳

錄載吳有石首魚至秋化為冠鳧頭中有石能改齋漫錄石首

魚皮軟肉薄用鹽醃之破脊而枯者曰鯨全其魚而醃曝

之謂之郎君鯨皆可經年不壞通商販於外至正續志春末夏

初佐以藏冰曰冰鮮聞志

按海族志石首魚腹中膠可作膠今以入饌曰魚

肚味甚美且食之益精氣

春魚似石首而小每春三月業海人競往取之名曰捉春

不減洋山之盛冬天蒲中有者曰蒲春寶慶志

黃滑魚似春魚而肉細又有一種曰烏眼白眼皆相類寶慶

志冬月得之為美至正續志

梅魚首大朱口金鱗

寶慶志

長可三四寸

至正續志

石首小者名

躡水即梅魚也味頗佳頭大於身人呼為梅大頭出四明

梅山洋故名或云梅熟魚來故名

異物志

鯉魚黃魚各有一

種肉與味亦自不同即如吾郡梅魚比黃魚極小肉與味

正相似閩中呼為小黃魚其鱗色燦爛金色如大黃魚也

然各自一種今合鯉魚為一種誤矣

海味索隱

石首春魚梅魚

三物形狀如一而大小不同爾

南湖集

鱸魚數種有塘鱸形雖巨不脆有江鱸差小而味淡有海

鱸皮厚而肉脆曰脆鱸味極珍邦人多重之

寶慶志

海中四

腮鱸曰脆鱸江鱸兩腮

華夷鳥獸考

鮓魚狀似鱸而肉麤三腮曰鮓四腮曰茅鮓小者口鮓姑

寶慶志

鯧鯨一名鱠魚身扁而銳狀若鏘刀身有兩斜角尾如燕

尾細鱗如粟骨軟肉雪白於諸魚甘美第一春晚最脆寶慶

志嘉靖腊而藁之良至正續志俗又呼為媚魚以其與諸魚羣故名

志嘉靖

比目魚東方有比目魚不比不行其名謂之鰈爾雅吳都賦

曰雙則比目片則王餘注比日東海所出王餘魚其身半

也俗曰越王鱠魚未盡因以其半棄之為魚無其一面故

曰王餘也寶慶志細鱗而身扁若半片然止一目狀比鯧鯨

而小舟人捉春時得之則曝乾為鱠可致遠至正續志

箸魚其形似箸又有極大者名鰯鰻寶慶志生海中取其形

似實非一種續志

劉仁本明州歌烏椒飯箸  
魚羹阿婆燒火新婦烹

白魚板身肉美寶慶江海俱有至正

箭魚即江湖鱠魚海出者最大甘肥異常腹下細骨如箭

鏃俗名箭魚味甘在皮鱗之交土人和鱗煮供之春晚與

筍尤稱寶慶

全祖望說鱠篇鱠魚之名不登爾雅按釋魚白鮓當鮓  
郭氏曰海魚以鮓而大肥美多鯁江東呼其長三尺者  
為當鮓是其為鮓審矣以是知晉時向未有鮓魚之名  
也廣韻始有鮓名矣粵之陽江多鮓集韻曰鮓即鮓也  
然則鮓魚在古曰鮓在後  
曰鮓而當鮓其別名也

肋魚似鮓魚而小身薄骨細冬月出者名雪映魚味佳至

夏則味減矣率以夏至前後為期類書鮓魚腹下之骨如

鋸可勒故名出與石首同時養魚經 肋魚細骨滿肋肥者僅

充口瘦即無所取寶慶志 明州初夏多出至正續志

火魚頭巨尾小身圓通赤故以火名又一種名石敦卒寶慶

志 又一種名竹夾頭身俱扁微紅而青色形頗相類或曰

近魴有鯁鱗色青黑又名土鯉至正續志

鱒鯉魚極大而骨脆肉肥亦可為鮓寶慶志

短魚項縮而短色紅為鯿極美海族志

按此即縮項編也味極佳鄞之蕙江時有之

鯿魚子多而肥夏初曝乾可以致遠山海經注曰鯿狹薄

而長大者長尺餘一名刀魚常以三月八月出寶慶志 又可

為鮓其子乾曝名寸金鱈子至正續志 鯿一作鱈魚有鱗長尾

扁身山堂肆考鱗魚一名紫魚一名鯨魚一名望魚一名鱧魚

本草紫即刀魚一名鮠腹背似刀又名鯨魚兩航鯨魚或同

章舉與鯢合為鮠謂之三和鮠最美可致遠世說虞嘯父

答孝武云天時尚煥鯨魚鯢未可致即此也寶慶志

按舊志鯨魚鯢魚分列誤鯨鯢一物而異名實則

鱗也

鮠魚形圓似扇無鱗色紫黑口在腹下尾長於身如狐尾

其最大曰鮠鮠即與鮠魚可錯靶者同是鮠與鮠皆一類

矣其次曰錦鮠皮亦沙澁擦去沙煮爛與鯨裙同又次曰

黃鮠差小背黑腹黃其餘有斑鮠牛鮠虎鮠寶慶志鮠字或

作鮠兩航襍錄

地青魚尾有刺甚長逢物則撥之毒能中人色白者上地

白與魴相類又名邵陽魚鼠尾魚可作鮓寶慶志

鱖魚形似魴以鹽裹之曝為鮓名曰鱖鮓俗又呼老鴨鮓

去皮生擘成絲供飮寶慶志

吹沙魚埤雅曰魴鮓今吹沙小魚常開口吹沙故曰吹沙

性善沉大如指狹圓而長有黑點俗呼為新婦臂味甘今

鮓埼鎮多有此頗以為珍品寶慶志鯊即此謂正月輒至生

流水中非可畜之池沼者至正續志泥魚似吹沙而首大江河

中皆有之寶慶志

土附魚似黑鯉而短小附土而行不似他魚浮水故名養魚

經似吹沙而大黑皮細鱗如粟無鬣山堂肆考吐哺魚名土附



以其附土而行也或曰食物嚼而吐之兩航東湖有之慶

志

全祖望東錢湖吐哺歌姬公下士之殘膏化為浙海波  
臣侶一落西泠聖湖滯一遊東甬錢湖渚春波正動春  
酒香春非調湯味最良水作雖然多巨子偏於別種多  
擅場吳餘越半各著名贏秦筭袋成墨精誌公膾尚重  
金陵尚較資格俱後輩合與寧王白魚連尾登國經我  
食茲魚忽一笑世間遭遇真難料西湖之種登玉食東  
湖寂寞誰相弔不作廟犧作野雞雷  
與詩人供品題酬爾十洲春一觀

鯉魚出江河三十六鱗又號赤鯉公嘉靖志

鱧魚出湖河身圓鱗細而黑頭有七星如北斗夜半仰首

向北嘉靖志道家忌之惟膽獨甘志

鯽魚形似鯉而小出河水者色白湖中者色黑嘉靖志黃鯽

魚志

鰩魚似鯉生淺海中專食泥身圓口小骨軟肉細介象與

吳王共論魚以鰩魚為上取其益陰兩航錄鰩魚性慧不入

網晉海人以長網困之俟潮退取之肉厚味美凡海中魚

多以大噬小惟鰩魚不食其類鰩一作鱣物產志一作鱣

澤魚形似鰩魚而小頭骨皆軟味亦甘美嘉靖志

鯊魚皮上有沙故名有白蒲鯊黃頭鯊白眼鯊白蕩鯊青

頓鯊烏鯊斑鯊牛皮鯊狗鯊鹿文鯊鰻鯊鮫鯊燕尾鯊虎

鯊犁到鯊香鯊熨斗鯊了髻鯊劍鯊刺鯊其類甚衆寶慶志

鰩鯊成化志

馬鮫魚形如鱖魚味似鰩魚品在鰩鱖之間寶慶志黑斑最

腥魚品之下至正續志一名社交以其交社而生嘉靖志馬鮫色

白如錫俗名擺錫鮫連頭尖骨爽味甜無鱗小滿及夏至

隱於海中其小者名青箭事物原始

帶魚海物異名記曰修若練帶寶慶志無鱗身帶長可四五

尺故名至正續志

華臍魚一名老婆魚一名壽魚壽一作綬腹有帶如帔子

生附其上或云名綬者以此吳都賦曰琵琶魚注云琵琶

魚無鱗其形似琵琶冬初出者俗多重之至春則味降矣

寶慶志華臍魚如科斗大者如盤至正續志

銀魚口尖身銳如銀條又一種極小者名麴魚寶慶志爾雅

翼釋魚王餘長五六寸身圓如筋潔白而無鱗但目兩點

黑耳卽此類舊志在比目項下載吳都賦曰雙則比目片

則王餘實附會之說非也

至正續志

銀鰕魚出月湖應海鰻而起俗呼為湖西洋山魚

開洋山志

魚期至湖上亦有小種名銀鰕

句餘土音注

玉筋魚出月湖開志乃小魚而味甚美故成化志亦載之

句餘

土音注

金魚其種不一

新增

蜜鮎魚出蜜巖下溪巖多野蜂蜜浮溪而魚噉啣之故

味腴土人以為珍品

四明山志

李裕詩銀刻細鱗圓朱筐目瑩然溪頭新出水煙下晚來船美不嫌多骨名偏自帶妍巖居風味好相勸蜜秋

前

鰻海中者極大似蛇而色青白齒銛利冬晴鱗之名風鰻

江湖河中者曰慈鰻小而色黃埤雅曰鰻有雄無雌以影漫體而生子今鰻腹自有子未必皆漫體也寶慶志生海中者可六七尺成化志

按有子者海鰻也江湖河中者皆無子埤雅是

鱗魚身如膏髓骨柔無鱗寶慶志鮎魚出河成化志鱖魚黃

鰓魚頭大身有刺無鱗黃色嘉靖志鰓出溝河

鯢魚一名河豚又作狔江淮河皆有之本草肝及子有大

毒肉小毒煮之不可近錯當以物懸之一名鵠夷魚以物

觸之即噴腹如氣毬亦名噴腹魚一云獨眼者尤毒惟橄

欖木魚茗木解之次用蘆根烏藍草根汁昔永嘉有厨人

喜其肥美竊食之即仆噤不語欲絕以黑豆槐花研汁攪

不潔大藥進之乃嘔吐得活寶慶志河豚腹下白背上青黑

有黃文眼能開能閉觸物輒嗔腹脹如鞠浮於水上其腹

無膽頭無腮故肝最毒舊言甚於野葛大抵出海中者大

毒江中者次之又一等名白河豚又名鮓魚其狀相類無

毒至正續志鯨魚吹肚魚非本草所載河腕規魚浙東人所呼

其生海中者腹上有刺名海規吹肚南人通言之以其腹

脹如吹也補筆談

江豚形似猪一名大白其身多油以之照紡績則昏照賭

博則明舊傳為懶婦所化嘉靖志

關胡形如小鯀大者如人指長二三寸許頭有斑點簇簇

如星潮退數千百萬跳躑塗泥中海婦挾簪取之如拾芥

名曰闌胡一名彈塗以跳躑取名

俗呼為跳魚

以孟覆活者數

百於地且發視之駢首俱供北無一參差者亦異矣

寶慶志

椒醬乾腊之

至正續志

海鰩

新

姜宸英寄絨王阮亭海鮑詩小隊羣游似錦舒蘭成賦中一寸魚燭光夜照鮫人室針尾朝登玉筍蔬曾許先生多贈致欲教微物長吹噓華堂宴集興言詠持比聚魚定得如全祖望詩春洋來海鰩半翅未能加小品足清致金光帶口華敷習多不億并命有堪嗟港老呼名錯原無鮑可誇

按葦間集云魚喜銓影夜把火照則羣集而取之

今詢之士人良然此魚以姜山人網得者為佳名

姜山海鰩港園以鰩為鮑取其音相近也李杲堂

詩于箸魚頭細海鹹則亦作鹹矣

沙喫塊然一物如牛馬腸臟頭長可五六寸許胖然如水  
蟲無首無尾無目無皮骨但能蠕動觸之則縮小如桃栗  
徐復搗腫土人以沙盆揉去其涎腥雜五辣煮之脆美味

為上物

寶慶志

鮫魚東海有物狀如凝血縱廣數尺正方圓名曰鮫魚無  
頭目無腹臟所處則蟲鰕附之隨其東西

博物志

本草作蜡

一名水母一名樗蒲魚生東海形如覆笠肉如血鮫大者  
如床小者如斗腹下如垂絮純赤無腸胃眼目以鰕為目  
鰕動能沉故曰水母目鰕如駟驢之與蛩蛩相假矣

寶慶志

白肉縷切用礬浸謂之水母線可致遠

至正續志

俗所謂海蟄



也雨水多則是物盛土人食之皆以為去積其實損脾航雨

錄襍

楊維禎詩海風吹沙湖欲來青鯪亂跳疑紫苔初疑長

劔斫出老蛟血又疑霹靂擊破妖龍胎蟹湯微泣瑪瑙

脆蜀錦亂把井刀裁紅冰嚼碎齒不冷丹霞入腹鳴

飢雷坐令海水化作葡萄醅我當大嚼一飲三百杯

烏賊本草云是類烏所化其口脚具存猶相似爾腹中有

墨今作好墨用之陳藏器云昔秦王東遊棄算袋於海化

為此魚其形一如算袋兩帶極長墨猶在腹也蜀本云背

上骨厚三四分日華子云又名纜魚鬚脚悉在眼前風波

稍急即以鬚粘石為纜圖經云一名烏魴能吸波喫墨溷

水以自衛使水匿不為人所害又云性嗜烏每曝水上有

飛烏過謂其死便啄其腹則卷而食之以此得名言其為

烏之賊也南越志云烏賊有矴遇風便虬前鬚下矴而住  
矴亦纜之義也腹中血并膽正如墨世謂烏賊懷墨而知  
禮故俗謂是海若白事小吏有最小者俗呼墨斗

寶慶志圖

經云烏賊能喫墨溷水以自衛然羣行水中人見墨水至  
輒可笱羅而得之

至正續志

烏賊骨如通草可刻名海瓢蛸入

藥

酉陽雜俎

明州土貢烏鰂骨五斤

九域志

按正字通作海鰂鮓鰂魚以鹽漬之名墨魚乾見

### 後食貨屬

章巨海上鱗族異者名章拒大者名石拒居石穴人取之  
能以脚黏石拒人故名

埤談

石拒形似大算袋八足長二三

尺足上突出碗礪戢戢如釘每釘有竅浮於海沙布形如

死鳥啄之卷以入水噓釘啜之以此充腹其次者曰章舉亦曰章魚以大小呼之石拒如斗章舉如升南方有石拒此惟章舉耳章舉之又小者曰望潮身一二寸足倍之又一種曰鎖管亦其類脚短無釘

寶慶志

望潮土人呼為塗蟻

至正續志

蟾蚌明越風物志云蟾蚌并螯十足生邊海泥穴中潮退採取之四時常有雌者掩大而肥重者踰數斤其小而黃者謂之石蟾蚌最大者曰青蟻小者曰黃甲後足濶者又曰撥掉子東坡答丁公默送蟾蚌詩有半殼含黃宜點酒兩螯斫雪勸加餐之句舒懶堂述里諺云八月蟾蚌健如虎埤雅曰蟾蚌兩螯至強能與虎鬪

寶慶志

蟾蚌八跪二螯

蟹其類也淮南子曰蛤蟹珠龜與月盛衰今凡蟹屬月明則瘦月晦則肥大者曰蟪有虎斑文隨潮溼淪者名虎蟪

小者名黃甲至正續志

蟹俗呼為蟹圓臍者牝尖者牡也經霜則有赤膏俗呼母

蟹亦曰赤蟹無膏曰白蟹有子者曰子蟹寶慶志蟹八跪二

螯八足折而容俯故謂之跪兩螯倨而容仰故謂之螯七

八月出者曰白蟹經霜後腹膏紅者曰赤蟹以臍大小為

雌雄雄曰狼蠃雌曰博帶子曰著子蟹其類頗多皆出海

中至正續志

螭蟹俗呼毛蟹又曰田蟹螯跪帶毛山谷詩曰怒目橫行

與虎爭寒沙奔火禍胎生寶慶志生湖泊淡水中能橫行故

曰螭蟹秋後方盛有溪蟹小而性寒搗碎愈漆瘡至正續志

石蟹明越溪澗石穴中出小蟹其色赤而堅俗呼為石蟹

蟹譜

膏蟹新增

按膏蟹蟹之至小者有膏夜有光惟正月間有之

前志失載

彭越爾雅名彭蠡螯赤者名擁劍一種為彭蜺性寒甚蔡

君謨讀爾雅不熟幾為勸學所誤又一種名桀步埤雅曰

以其橫行故為桀步又一種曰沙蟹寶慶志彭越一名彭蜺

一螯大一螯小以大螯鬪小螯食物見潮往來出穴舉螯

迎之者名招潮潮退徐行途中者名攤塗在螭殼中為螭

復入螭腹者曰螭奴又有倚望竭朴沙狗蘆虎沙蟹之名

皆其賤類也

至正續志

蚌有珠郭璞江賦曰瓊蚌晞曜而瑩珠

寶慶志

海月形圓如月亦謂之海鏡土人鱗次之以為天窻郭璞

江賦云玉珧海月謝靈運詩曰挂席拾海月

寶慶志

海扇海中有甲物如扇文如瓦屋三月三日潮盡乃出

松

集

鮚說文云蚌也漢律會稽鮚醬二升漢書注鄞有鮚埼亭

師古曰鮚音結蚌也長一寸廣二分有一小蟹在其腹中

埼曲岸也其中多鮚故以名亭

天中記

郭璞江賦璅鮚腹蟹

南越志璅鮚腹中有蟹子如榆莢合體共生

四明七觀注

江珧四明海物江珧柱第一青鰕次之介甫云瑤字當作

珧柱卽如蛤蜊柱卽昌黎所謂馬甲柱也二物無海腥氣

隣幾江瑤柱厥甲美如瑤玉肉柱膚寸海物異一名楊妃

珠明州江珧有二種大者江珧小者沙珧然沙珧可種

逾年則成江珧矣老學菴筆記江珧以柱爲珍東坡有江珧傳

寶慶志形如大蛤而長口濶末尖海人亦取苗種於海塗隨

長至口濶一二尺者佳至正續志

蛤每一潮生一暈海濱人以苗栽泥中伺其長八月十六

日雀入水化蛤海濱有見之者寶慶志

蛤蜊善醒酒山谷詩云商略督郵風味惡不堪持到蛤蜊

前寶慶志亦云圓蛤殼口有紫暈者肥美至正續志

黃蛤一潮生一暈殼有紋海濱人以苗栽泥中候其長而

取之嘉靖志

按黃蛤一名海瓜子梅雨時最肥謂之梅蛤

車螯歐陽公詩曰璀璨殼冰玉斑斕點生花美此物也一

名昌娥一名魁蛤寶慶志車螯殼原亦蛤類生海中殼可製

奇器至正續志

王安石詩車螯肉甚美由美得烹燔殼以無味棄棄之  
能久存子嘗憐其肉柔弱甘咀吞久嘗怪其殼有功不  
見論醉客快一噉散投牆壁根寧能為收拾持用說醫  
門車螯肉之弱恃殼保厥身自非身有求不敢微啟  
唇尚恐獨者得泥沙常埋壓往往湯火間身蓋殼空存  
維海錯萬物口牙且咀吞爾無如彼何可畏寧獨人無  
為久自苦含匿不暴陳豁然從所如游蕩四海滯清  
波濯其汗白日曬其昏死生或有在豈遽得烹燔

蚶子爾雅謂之魁陸有瓦壟蚶毛蚶芽蚶土物志曰有側



徑四尺皆似瓦壘有文郭璞江賦曰洪蚶專車寶慶志蚶子

有瓦壘蓋殼上有稜似之故名芽蚶殼稜細而肉肥多出

鮎埼冬月有之亦採苗種之海塗謂之蚶田至正續志海味寧

波酒蚶為最藝苑

蛭子生海泥中長二三寸如大拇指其肉甚肥殼不足以

容之日常開不閉時行病後不可食切忌之飯後食之佳

寶慶志

按蛭子有荔支蛭女兒蛭二種亦可種

雌俗呼曰生雌似蛤而長殼有毛俗又曰毛蛤一曰城雌

寶慶志

蠣房其大者如駝蹄小者如人指面亦曰牡蠣陶隱居云

牡蠣是百歲鵬所化道家以左顧者是雄故名此物附石而生碗礪相連如房一名蠔山海人取之皆鑿房以烈火逼開挑取肉食之自然甘美更益人美顏色細肌膚海族之最貴者也寶慶志 結埼海岸生者僅如人指面挑取肉謂之梅花蠣簷竹結謂之竹蠣至正續志 永嘉蠣不如鄞縣謝靈運答

弟書

螺多種掩白而香者曰香螺有刺曰刺螺味辛曰辣螺有曰拳螺劍螺丁螺斑螺又有生深海中可為酒杯者曰鸚鵡螺郭璞江賦曰鸚螺蛭蝸注云異物志曰鸚鵡螺狀如覆杯頭如烏頭向其腹視如鸚鵡故以名也舊說蛭蝸小螺也一種曰海蛭寶慶志

龜脚以狀似之郭璞江賦云石蛙應節而揚葩寶慶志佛手

蚌俗名龜脚聞志

按石蛙春雨則生毛故郭賦有揚葩之語楊升菴

讚蘭陵紫蚰江淹紫蘿是惟蚌類發花應春本此

而周櫟園乃以為真花誤矣

蟻生於海巖或簷竹又一種曰老婆牙寶慶志

鬚形如惠文如便面惠文武冠名便面古扇名也爾雅鬚

形如覆斗其大如車青褐色十二足長五六寸尾長二三

尺殼堅硬腰間橫文一線軟可屈摺每一屈一行尾尖有

刺能觸人口足皆在覆斗下每雌負雄漁者必雙得以竹

編為一甲鬻焉此者子如麻子土人以為醬或酢本草云

牝牡相隨牝者背上有目牡者無目牡得牝始行牝去牡死韓退之詩蠶實如惠文骨眼相附行寶慶志

鰕有赤白青黃斑數色青者大如兒臂土人珍之多以餉

遠梅熟時曰梅鰕蠶熟時曰蠶鰕狀如蜈蚣而大者曰鰕

蝓身尺餘鬚亦二三尺曰鰕黃不常有皆產於海其產於

陂湖者曰湖鰕生於河者曰鰕公二鉗比他種其長倍之

寶慶志 生於湖河皆青黑色生於江多白色至正續志

肘子殼下尖而濶中有肉粘之膏屎皆在尖厨人去下體

取面肉脆供入湯稍久即韌不入品寶慶志

土鐵蝸屬形如豆大殼薄生海塗中梅月盛土人滌去涎

然後鹽滷之至正續志 一名泥螺海味索隱

鄞縣志 卷二十八 物產 美

按聞志載作土蚨考爾雅註蚨蝻卽螿蟪似蜘蛛  
竝非海濱物從蚨誤也

淡菜亦名殼菜形似珠母甚益人生南海有東海夫人之  
號土人燒令汁沸出肉食之若與少米先煮熟後去兩邊  
鎖及毛更入蘿蔔紫蘇同煮尤佳

寶慶志

按鄞邑採淡船頗多以六月出洋冬初返棹其殼  
燒灰作粉可以塗壁考周禮掌蜃所供白盛鄭康  
成注飾牆使白之蜃東萊人用蜃謂之義灰言義  
取以爲灰也鄞處海濱凡蜃蛤蠣蚶介屬皆燒之  
代石灰以供塗墍之用

綠毛龜溪洞有小如錢者取育於池沼中亦漸長大

至正續志



金石之屬

銀山縣西南四十五里地名小溪嘗產銀故名

延祐志

赤堇之山破而出錫

越絕書

歐冶造劍於此山澗若邪而探

銅破赤堇而取錫

會稽記

錫山縣西南五十里嘗產錫故名

延祐志

鐵產灌頂山在縣西七十里宋有採鐵於此朝旨禁之

延祐志

石出西石山東石山又白石山有白石

延祐志

全祖望大嵩石詩花乳石質奇於古胡勿稱所尚多銅  
章佳材老山扁自從王元章雕鑄過百朋各各誇土產  
良足補國經吾鄉用私印大嵩赤擅名洞天萬山骨色  
相百變成餘分爲春凍中有紅猩猩年來採取竭石髓  
嗟頽零福清與括蒼瞳乎不可京地氣有時返未必無  
連城海潮口夕來吞吐太陰精石其果有知爲我光瑩

按舊傳石產西石山者色赤產東石山者色白質  
細膩勝於西山產東湖餅窯者色淺綠取爲階砌  
柱礎尤佳產梅園者色紫黑近賦梨洲黃氏謂浙  
東碑材可次太湖者也產大嵩者色嫩白中夾紅  
筋可鐫印章大嵩一作大松項鼎鉉呼桓日記云  
四明大松出鐙光石每取石以鵝祠之戚繼光祭  
以羊自是石不復出俗因名羊求休朱竹垞贈許  
容詩有羊求休嫩大松老之句羊求休卽大松所  
產朱氏分之爲二誤也又四明山心名伏虎山產  
赤石有七竅名孔石又舊志載雞鳴山有石井上



有銅瓶着石有大石雞云從浮梁上飛來今猶鳴  
應扶桑曉太平寰宇記載動石山云有堅石高五  
六丈下有小石支之爨風雨則其石自動又載靈  
山有石鼓臨澗若鳴則野雉翔鳴夏侯曾先地志  
云新婦巖西北臨溪水其石五色望之頗似花鈿  
新婦首飾今皆不得其處矣 又按鄞邑產石之  
所居民以採石爲業謂之岩戶一曰小溪岩卽西  
石山內有冷水潭者也石色赤而質粗一曰稽山  
岩卽東石山也產石較多質頗堅色亦微赤唯自  
稽山迤西數里有胡郎巖石色青迤東數里梅  
湖之南有椅子巖石色白二巖產石無幾至大

嵩石無可考唯土人相傳海濱之黃牛礁舊曾採

石今石盡而山僅存故礁甚小云

### 食貨之屬

綾明州土貢吳綾交梭綾

唐地理志吳綾唐宋貢物句餘土音注

全祖望詩吾鄉布帛最寥寥一純再紵三越葛次之枯竹桿草褐鴉青棗紅亦佳物未若吳綾誇獨絕大花璫漆狀五雲交梭連環混百結濯以飛瀑之赤泉蜀江新水不足埒浹月四十有五紅上為黼座補袞闕女野光芒燭帝室一自楊使君惠民請改折年來林村產報章笑下劣空傳古巷名紡絲終緯蕭條不足述吁嗟蠶織已日

絹成化

寧波畫絹色白絲勻宜畫嘉靖浙江通志

按鄞之絹以生絲織成謂之生絹甚佳

麻有苧麻黃麻絳麻縹麻共四色

成化志

葛 靛嘉靖志 絲 綢 棉 布 腰機布 麻布成化志 紵

布聞志

椶帽 莆帽 椶鞵 鄞縣產 椶其毛作椶帽 椶鞵成化志

竹筥新志

按鄞製竹筥極工巧他郡率來購僧家尤重之

席而東多席草人業於織著名四方曰明席寶慶志 建炎三

年十二月浙東制置使張俊與金人戰於明州西門俊見

民間多織席遣兵歛取之以重席覆於路金騎踐席上皆

足滑而仆因急擊之斬獲甚衆佛祖統記

鐵器生鐵出閩廣船販常至冶而器用 銅器如鐵之冶

為鏞釜差勝 石器杵臼之利常資之 竹器蒸箬焙籠

他郡鮮有皮紙出章溪至正續志

硯有明州石硯石甚峭見米帖硯菱

手磬明州多販到無破損聲圓長者為妙百寶總珍集

漆器寧波出描金漆器嘉靖浙江通志寧郡切近海洋自設立海

關以來外洋諸貨畢集居民遂摹仿為之如漆器之類雖

不及洋製而民間亦資之以為利他如紙扇銅硯小刀之

屬亦多浙江通志

假倭扇寧波人造泥金彩漆縹霞宣德間遣人至彼傳其

法七修類彙

烏木菸桿新增

按烏木從海洋販至而鄞所製菸桿獨著名四方

京師尤重之近時更有一種斑色者曰虎皮桿細

斑者曰芝麻桿

油麻菜豆桐柏共五品

成化志

鹽鄧縣有鹽

唐地理志

世南向侍親至四明鹽白而廉僕輩貪

利以簞盛貯邸翁曰塗中走滴將若之何授汝一法可用

煨皂莢一挺置其中即無慮矣試之果然

張世南遊宦紀聞

全祖望大嵩鹽詩吾攷古四鹽其種各以分散鹽為最貴於以調芳珍宿沙暨瞿氏未嘗歸國君已而征權嚴計臣日有聞鄧鹽始唐代大嵩尤所尊洞天萬壑流尾閭歸海濱醞膏為素雪津液甘且醇木生誇僊味不死又何所大嵩接大梅正屬一氣甄將無水精中或有靈種存我生不語怪一卷亦猶人惟有太白茶切莫以此渾

冰  
增新

按甬東濱江居民多藏冰爲業謂之冰廠夏初鑿

取以佐海魚行遠

明州脂澤悉用魚膏 鰕米產明州 明州舊貢紅鰕鮓

太平寰宇記 明州鰕脯 胡銓經筵玉音問答

墨魚乾方物歲貢鄞海錯五曰泥螺曰紫菜曰鰕米曰鹿

角菜曰墨魚乾 成化志

按墨魚乾俗呼螟脯鰕螟脯或作明府以地名也

貨於江右爲盤飴上品

苔見吳都賦海苔之類注云苔生水中正青狀如亂髮乾

之赤鹽藏有汁名曰濡苔 寶慶志

紫菜見吳都賦綸組紫絳注云紫菜郭璞江賦云紫莢榮

奕以叢被注云莢紫菜也

寶慶志

海藻爾雅曰薄又名海藻生海中黑色如亂髮而大埤雅

日本草以爾雅所謂綸似綸組似組東海有之正謂二藻

也又一種細者紫色曰紫角菜

寶慶志

糖冰甘蔗所在皆植獨福唐四明番禺廣漢遂寧有糖冰

容齋隨筆糖霜有譜製法絕佳今閩人治此為利浙民多種蔗

而不知造糖惟寧郡能作糖冰推其法亦可治霜也

浙江通志

楊萬里冰糖詩亦非崖蜜亦非錫青女吹簫凍作冰透骨輕寒清著齒嚼成人跡板橋聲

酒出明州者曰金波酒

名酒記

俗重雙魚酒

舒壹四明襟詩注

泗水

潛夫武林舊事甬上之酒一為十洲春一為玉醅歲歲進

奉曲洧紀聞又載甬上名酒曰金波

勾餘土音注

全祖望十洲春詩九衢尊雙湖醞法五齊雙雙印錢公  
陡豐且潤韓公泉冽以寓玉醅香金波嫩王僊人法可  
問備六清疇敢溷飲一石未為困入天厨充上頓剪仙  
菁和赤堇下酒具尤充物束帶迎固其分誰奏罷免奉  
進酒家胡法漸紊十洲水亦以恩葛祭酒晚蜚遁其家  
釀差相近斯人亡又不振述舊聞邇餘韻誰問奇來執  
醞

按它山泉可釀今市中出酤多以它泉酒為名

茶樹出浙東以明州次鄞縣生榆莢村

茶經

元以十二雷之

區茶入貢鄞之太白茶為近出然考舒嬾堂天童虎跪泉

詩靈山不與江心比誰為茶仙補水經則宋時已有賞之

者因更名曰靈山茶至今山村多繚園以植

勾餘土音詩話

按茶晚收者曰茗曰薺以太白山為上鳳谿次之

西山又次之太白山出者每歲採製充方物入貢



鄞縣志卷二十八終